



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Thomæ A Kempis Can. Reg. S. Augustini. De Imitatione Christi Libri Quatuor

Thomas <von Kempen>

Augustæ Vindel., 1772

Caput XIX. De exercitiis boni Religiosi.

[urn:nbn:de:hbz:466:1-45780](https://nbn-resolving.org/urn:nbn:de:hbz:466:1-45780)

runt: qui tam strenue militantes mundum suppeditaverunt.

Jam magnus putatur, si quis transgressior non fuerit: si quis quod accepit, cum patientia tolerare poterit.

6. Ah tepor & negligentia status nostri, quod tam cito declinamus a pristino fervore; & jam tædet vivere præ lassitudine & tepore!

Utinam in te penitus non dormiret profectus virtutum, qui multa sæpius exempla vidisti devotorum:

CAPUT XIX.

De exercitiis boni Religiosi.

I. **V**ita boni Religiosi omnibus virtutibus pollere debet: ut sit talis interius, qualis videtur hominibus exterius.

Et merito, multo plus debet esse intus, quam cernitur foris: quia inspector noster est Deus, quem summo opere revereri debemus, ubicunque fue-

fuerimus, & tanquam Angeli in conspectu ejus mundi incedere.

Omni die renovare debemus propositum nostrum, & ad fervorem nos excitare, quasi hodie primum ad conversionem venissemus, atque dicere:

Adjuva me Domine Deus, in bono proposito, Et sancto servitio tuo, Et da mihi nunc hodie perfecte incipere, quia nihil est quod hactenus feci.

2. Secundum propositum nostrum cursus profectus nostri: & multa diligentia opus est bene proficere volenti.

Quod si fortiter proponens sæpe deficit: quid ille, qui raro, aut minus fixe aliquid proponit?

Variis tamen modis contingit desertio propositi nostri: & levis omisio exercitiorum vix sine aliquo dispendio transit.

Justorum propositum in gratia Dei potius, quam in propria sapientia pendet: in quo & semper confidunt, quidquid arripiunt.

Nam homo proponit, sed Deus disponit: nec est in homine via ejus.

3. Si pietatis causa, aut fraternalis utilitatis proposito quandoque consuetum omittitur exercitium, facile postea poterit recuperari.

Si autem tædio animi, aut negligentia faciliter relinquitur, satis culpabile est, & nocivum sentietur. Conemur, quantum possumus, adhuc leviter deficiemus in multis.

Semper tamen aliquid certi proponendum est, & contra illa præcipue, quæ amplius nos impediunt.

Exteriora nostra & interiora pariter nobis scrutanda sunt & ordinanda, quia utraque expediunt ad perfectum.

4. Si non continue te vales colligere, saltem interdum, & ad minus semel in die, mane videlicet, aut vespere.

Mane propone, vespere discute mores tuos; qualis hodie fuisti in verbo, opere, & cogitatione: quia

in his sæpius forsitan offendisti
Deum, & proximum.

Accinge te sicut vir contra diabo-
licas nequitas: fræna gulam, &
omnem carnis inclinationem facilius
frænabis.

Nunquam sis ex toto otiosus: sed
aut legens; aut scribens, aut orans,
aut meditans, aut aliquid utilitatis
pro communi laborans.

Corporalia tamen exercitia discre-
te sunt agenda, nec omnibus æqua-
liter assumenda.

5. Quæ communia non sunt, non
sunt foris ostendenda: nam in secre-
to tutius exercentur privata.

Cavendum est tamen, ne piger sis
ad communia, & ad singularia promp-
tior: sed expletis integre & fideliter
debitis & injunctis, si jam ultra
vacat redde te tibi, prout devotio
tua desiderat.

Non possunt omnes habere unum
exercitium: aliud isti, aliud illi ma-
gis deservit.

Etiam pro temporis congruentia diversa placent exercitia: quia alia in festis, alia in feriatis magis capiunt diebus.

Aliis indigemus tempore tentationis, & aliis tempore pacis, & quietis.

Alia, cum tristamur, libet cogitare: & alia; cum læti in Domino fuerimus.

6. Circa principalia festa renovanda sunt bona exercitia: & Sanctorum suffragia ferventius imploranda.

De festo in festum proponere debemus, quasi tunc de hoc seculo migraturi, & ad æternum festum perventuri.

Ideoque sollicite nos præparare debemus in devotis temporibus, & devotius conservari, atque omnem observantiam strictius custodire, tanquam in brevi præmium laboris nostri a Deo percepturi.

7. Et si dilatum fuerit, credamus nos minus bene præparatos, atque

in

indignos tantæ adhuc gloriæ, quæ
revelabitur in nobis tempore præfinito;
& studeamus nos melius ad exitum præparare.

Beatus servus (ait Evangelista Lucas) *quem, cum venerit Dominus, invenit vigilantem. Amen dico vobis, super omnia bona sua constituet eum.*

CAPUT XX.

De amore solitudinis, & silentii.

I. **Q**uære aptum tempus vacandi tibi, & de beneficiis Dei frequenter cogita.

Relinque curiosa. Tales perlego materias, quæ compunctionem magis præstant, quam occupationem.

Si te subtraxeris a superfluis locutionibus, & otiosis circuitionibus, nec non a novitatibus, & rumoribus audiendis; invenies tempus sufficiens & aptum pro bonis meditationibus instituendis.

Maximi Sanctorum humana con-